



CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DE SALVATERRA DE MIÑO PARA A PAVIMENTACIÓN DA RÚA ROSALIA DE CASTRO, PO-400, E A CONSTRUCCIÓN DUNHA SENDA PEONIL ENTRE O NÚCLEO URBANO DE SALVATERRA E O NÚCLEO DE POBOACIÓN DAS ZACOTEIRAS

Santiago de Compostela, 17 de abril de 2019

REUNIDOS

Dunha parte, Ethel M^a Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Arturo Grandal Vaqueiro, na súa condición de alcalde do Concello de Salvaterra de Miño, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto.

EXPOÑEN

Primeiro.- As obras proxectadas divídense en dúas actuacións :

- A pavimentación da rúa Rosalía de Castro, PO-400 bastante deteriorada e
- A construción dunha senda peonil segura entre o núcleo urbano de Salvaterra e o núcleo de poboación de Zacoteiras, ao longo das estradas autonómicas PO-400, puntos quilométricos 1+120 – 2 + 380 e PO-402, entre os puntos 0 + 000 – 0 + 140. Un itinerario de 1.460 m de lonxitude elevarase en 10 cm sobre a rasante da calzada, aínda que na sección con cuneta transitable o bordillo enrasará co punto exterior da mesma. A pavimentación realizarase en formigón coloreado de 16 cm, previa base axeitada de 20 cm. Nas zonas de cruce con outros viarios utilizarase un pavimento táctil en distinto cor, indicador de advertencia o proximidade ao punto de perigo. Completaran as obras unha rede de drenaxe para recollida, canalización e evacuación das augas de escorrentía; a preinstalación dos servizos de alumeadado público e telecomunicacións e sinalización, balizamento e defensas.



A Axencia Galega de infraestruturas transferira os terreos de dominio público necesarios para executar as obras ao Concello de Salvaterra de Miño.

Segundo. A Axencia Galega de Infraestruturas ten entre os seus obxectivos a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intermunicipais na procura e no fomento dun desenvolvemento harmónico.

Terceiro. O Plan de Mobilidade e Ordenación Viaria Estratéxica, plan MOVE, contempla entre as súas liñas básicas a mellora das condicións de accesibilidade e da mobilidade das persoas.

Cuarto. A Axencia Galega de Infraestruturas, en colaboración co Concello de Salvaterra de Miño, trata de fomentar aqueles investimentos que resolvan problemas nas infraestruturas, coa finalidade dun desenvolvemento económico e social que aporte unha maior calidade de vida á cidadanía.

As actuacións obxecto deste convenio son complementarias á propia idea básica e intrínseca da estrutura elemental da calzada e da infraestrutura viaria.

Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Salvaterra de Miño que permitan realizar a pavimentación da rúa Rosalía de Castro PO-400 e a construción dunha senda peonil na marxe dereita das estrada autonómicas PO-400, puntos quilométricos 1+ 120 – 2 + 380 e PO-402, entre os puntos 0 + 000 – 0 + 140, entre o núcleo urbano de Salvaterra e o núcleo de poboación de Zacoteiras.





-Pavimentación de 3.200 m da rúa Rosalía de Castro, cuxo firme atópase bastante deteriorado. Como traballos previos realizaríase a limpeza das marxes e apertura de cunetas. Fresado, pavimentación e pintado de marcas e sinais.

-Construción dunha senda peonil na marxe dereita das estrada autonómicas PO-400, puntos quilométricos 1+ 120 – 2 + 380 e PO-402, entre os puntos 0 + 000 – 0 + 140, entre o núcleo urbano de Salvaterra e o núcleo de poboación de Zacoteiras. Coas seguintes actuacións:

- Traballos previos necesarios (desbroce, talado, movemento de terras e apertura de caixa)
- Pavimentación da senda
- Execución de muros de contención.
- Execución da rede de drenaxe de augas pluviais.
- Preinstalación de alumado público, telecomunicacións e electricidade.
- Disposición de elementos de sinalización vertical.
- Repintado das marcas viarias afectadas.
- Traballos de remate: recheo con terra vexetal; semente de especies estacionais; instalación de varanda de protección en aceiro tubular e recrecido de pozos e arquetas.

O orzamento necesario para a súa execución destas obras estímase en **SEISCENTOS OITENTA E UN MIL SETECENTOS ONCE EUROS CON TRINTA E SEIS CÉNTIMOS (681.711,36 €)** IVE engadido. Este orzamento inclúe o orzamento base de licitación e máis o IVE, e o orzamento de reposición de servizos afectados polas obras.

SEGUNDA.- REQUISITOS

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta subvención directa que o Concello de Salvaterra do Miño cumprise co deber de remisión ao Consello de Contas da súa conta xeral.

TERCEIRA.- COMPROMISOS DO CONCELLO DE SALVATERRA DO MIÑO

O Concello de Salvaterra de Miño obrígase a:

1.- Adxudicar, dirixir e executar as obras de conformidade co proxecto achegado á Axencia Galega de Infraestruturas.





2.- Aceptar o cambio de titularidade do Dominio Público do treito da senda peonil resultante da execución das obras nas estradas PO-400 e PO-402 segundo se especifica a continuación:

- PO-400, pq 0+ 000 coordenadas UTM (ETRS89) X= 541.343 Y= 4.659.155 – pq 2 + 320 coordenadas UTM (ETRS89) X= 543.353 Y= 4.659.560 todo o dominio público viario. Este tramo coincide coa intersección da PO-400 coa PO-402.

- PO-400, pq 2 + 320 – pq 2+380 coordenadas UTM (ETRS89) X= 543.419 Y= 4.659.582 marxe dereita todo o dominio público viario sen afectar as beiravías nin a calzada.

- PO-402 puntos quilométricos 0+ 000 coordenada UTM (ETRS89) X= 543.374 Y= 4.659.605 – pq 0+ 140 coordenada UTM (ETRS89) X= 543.425 Y= 4.659.731 marxe dereita todo o dominio público viario sen afectar as beiravías nin a calzada.

- PO-402 pq 0+000 – PO- 400 pq 2+380 marxe esquerda todo o dominio público viario sen afectar as beiravías nin a calzada.

O concello obrígase a súa conservación e mantemento e a asinar a acta de entrega correspondente antes da licitación da obra. A tramitación do expediente de cambio de titularidade realizarase consonte co establecido no artigo 9 da Lei 8/2013, do 28 de xuño, de estradas de Galicia e no Decreto 66/2016, do 26 de maio, polo que se aproba o Regulamento xeral de estradas de Galicia.

3.- Asumir as obrigas económicas que excedan do importe consignado na cláusula cuarta.

4. Xestionar todos os terreos necesarios, así como a reposición de servizos e servidumes afectados. Así mesmo, asumirá a realización das xestións pertinentes ante os organismos que corresponda para a obtención dos permisos, licencias e autorizacións regulamentarias.

5. Consonte o establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total responsabilidade ante a Axencia Galega de Infraestructuras. Tamén se compromete a establecerlle ao contratista a obriga de colaboración para o exercicio das funcións de control previstas no artigo 45 da citada lei.

6. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.





7. Comunicar á Axencia Galega de Infraestruturas, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.

8. Comunicar á Axencia Galega de Infraestruturas a data de recepción das obras para os efectos de que esta envíe un representante se así o estima oportuno.

9. O concello deberá dar publicidade da obra mediante un cartel anunciador no que conste expresamente o financiamento da Xunta de Galicia (Consellería de Infraestruturas e Mobilidade – Axencia Galega de Infraestruturas) de acordo coa imaxe corporativa oficial da Xunta de Galicia.

CUARTA.- COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume os seguintes compromisos:

1. Transferir ao concello de Salvaterra de Miño, os terreos de dominio público viario necesarios para a execución das obras a que se refiren as actuacións descritas na cláusula primeira. A transferencia quedará formalizada na correspondente acta de entrega previa tramitación do correspondente expediente, de conformidade co establecido no artigo 9 da Lei 8/2013, do 28 de xuño, de estradas de Galicia e co Decreto 66/2016, do 26 de maio, polo que se aproba o Regulamento xeral de estradas de Galicia.

2. Financiar as obras, segundo o proxecto presentado polo concello. Para isto destinará ata un máximo de **SEISCENTOS OITENTA E UN MIL SETECENTOS ONCE EUROS CON TRINTA E SEIS CÉNTIMOS (681.711,36 €)** con cargo á partida orzamentaria 08.A1 512B 760.0, código de proxecto 1999-06714 dos orzamentos da Axencia Galega de Infraestruturas, de acordo coa seguinte distribución de anualidades.

ANO	Importe obra (€)
2019	358.480,72
2020	323.230,64
TOTAL	681.711,36



QUINTA.- XUSTIFICACIÓN E PAGAMENTO.

A xustificación dos gastos e o seu pagamento realizarase nos termos establecidos na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da citada Lei, e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

Segundo o establecido no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos a conta, que responderán ao ritmo de execución da acción subvencionada. Estes pagamentos aboaranse por contía equivalente á xustificación presentada, ata un máximo do 80%. O Concello de Salvaterra de Miño xustificará a subvención mediante a presentación da seguinte documentación:

1.Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.

2.Certificación expedida pola secretaría da entidade local, co visto e praxe do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:

- O cumprimento da finalidade da subvención.
- Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
- Os documentos acreditativos dos gastos realizados con recursos propios.
- Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.
- Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Declaración responsable da obtención doutras subvencións, axudas, ingresos ou recursos que financien as actuacións subvencionadas.



- Mostra fotográfica da publicidade da subvención, segundo o establecido na cláusula terceira do convenio.

Serán subvencionables os gastos de execución das obras realizados durante os anos 2019 e 2020. En ningún caso serán subvencionables o custo da reposición dos servizos afectados que non estean contemplados no orzamento base de licitación do proxecto nin o da obtención de autorizacións e dos terreos privados afectados pola execución das obras.

A data límite para a xustificación destes gastos é o 30 de novembro de cada ano.

O pagamento realizarase pola parte proporcional da contía da axuda efectivamente xustificada, calculada en función da porcentaxe subvencionada sobre o custo total da actividade.

De conformidade co establecido no artigo 3.1 do Decreto 193/2011, do 6 de outubro, polo que se regulan especialidades nas subvencións as entidades locais galegas, unha vez que se efectúen os libramentos por parte da Axencia Galega de Infraestruturas a favor do Concello de Salvaterra de Miño, este deberá acreditar documentalmente a efectividade dos pagamentos realizados no prazo máximo de sesenta días naturais contados a partir do ingreso na conta bancaria da beneficiaria de cada un dos aboamentos da subvención concedida.

SEXTA.- SEGUIMIENTO E CONTROL.

Para o seguimento, control e avaliación de cantas dúbidas poidan xurdir na aplicación do convenio poderase constituír unha comisión de seguimento, coa participación dun representante da Axencia Galega de Infraestruturas e dun representante do Concello de Salvaterra de Miño.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula cuarta.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante



o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

SÉTIMA. - NATUREZA DO CONVENIO.

Este convenio ten natureza administrativa, rexéndose polas cláusulas que nel se establecen e, no seu defecto, polo regulado na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións e demais normas de procedente aplicación.

OITAVA.- COMPATIBILIDADE.

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada. No caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

NOVENA.- REVOGACIÓN, REINTEGRO E RESOLUCIÓN.

A axuda concedida ao amparo deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións.

Será causa de reintegro total o incumprimento das obrigas establecidas para o concello nas cláusulas deste convenio.

En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.



DÉCIMA.- PUBLICIDADE.

De conformidade co artigo 17 da Lei 1/2016, do 18 de xaneiro, de transparencia e bo goberno, a Axencia Galega de Infraestruturas publicará no Diario Oficial de Galicia e na páxina web oficial o importe da axuda concedida. A sinatura do convenio leva implícito o consentimento expreso do beneficiario a favor da Administración concedente para o tratamento necesario dos datos relevantes da axuda concedida e a súa publicación.

Así mesmo, en cumprimento do disposto no artigo 20 da Lei 38/2003, do 17 de novembro, xeral de subvencións, a información requirida será comunicada á Base de Datos Nacional de Subvencións (BDNS).

UNDÉCIMA.- VIXENCIA DO CONVENIO.

Este convenio terá vixencia dende a súa sinatura ata o 31 de decembro de 2020 e financiará os gastos realizados dende o 1 de xaneiro de 2019 nas condicións establecidas na cláusula quinta. Así o outorgan no lugar e data do encabezamento, subscribindo o presente convenio por triplicado exemplar.

A presidenta da Axencia Galega de
Infraestruturas

O alcalde do Concello de Salvaterra de Miño

Ethel M^a Vázquez Mourelle

Arturo Grandal Vaqueiro

